

per quas non modo salutem suam domusque suae tuerentur, sed quas etiam instrumenta et munimenta principatus haberent. Eas Castris propriis, extra urbem, vno loco habere instituit Tiberius. Ipsae Cohortes et Castra pariter *Praetorium* appellata (*Phil.* 1, 13.), atque inde Praefectus Praetorio, *στρατοπεδάρχης*, *Act.* 28, 16. Per hos milites actum, quicquid militari in vrbe ministerio indigebat. Praefectum eum, qui a Luca commemoratur, *Burrum* intelligendum esse, speciose disputant viri docti: cuius rei iudicium in temporum ratione situm est. Nam numerus singularis in Praefecti verbo, quo inprimis nituntur, quod Burrus hanc potestatem sine collega habuit, quod ante et post ipsum secus fuit, in ea re nihil efficit. Etiam Traianus apud *Plinium* X, 68. de aliquo scribit: *vinculus ad Praefectum Praetorii mitti debet*, et apud *Suetonium* Claudius c. 12. postulat, vt sibi liceat, *Praefectum Pr.* in curiam inducere: ex quibus locis nemo colligit, vnum tum Praefectum fuisse.

98. In prouinciis porro vel legiones vel cohortes collocatae ad custodiam securitatis vel externae vel internae, et ad ministeria magistratum, in quibus manu militari opus esset. Legiones maiorum prouinciarum sunt, cohortes minorum, quales Iudaea, Cyrenaica etc. quae a Procuratoribus administrarentur. Itaque in Actis Apost. *σπείρα* modo commemorantur,